

B. N. C.
FIRENZE
1064
9



XXVI
FORNITURA
Subscripta.
E
Ga
GAS.

7



XXXI

G. GALL.

~~FORMUL~~ Subscript.

Episcop. Gall.

formul.

FORMULARII

AI


Per Andegavensem, Bellovacensem,
Apamiensem, & Aletensem,

EPISCOPOS

SINCERA AC DEBITA

SUBSCRIPTIO

ERUDITE LECTOR



Varia secus circumlata fuerunt de Form-
ularii per quatuor Episcopos nuper
in Galliis subscriptione. Quos ut
credas sincerâ Obedientiâ, & debitâ Submis-
sione id præstitisse, & damnaſſe absque ulla
Exceptione aut Restrictione quinque propositio-
nes in omnibus sensibus, in quibus à Sede Apo-
stolica damnata fuerunt, Ipsorum imprimis Bre-
vium Clementis IX (prout Româ,
A Parisiis,



*Parisiis, & aliunde certâ ac fideli manu sunt
transmissa) Argumento; deinde Christiani-
ssimi Regis Regio Arresto Testatum accipe;
unaque, si placet, formulam juramenti expende.*

FORMULARIUM

Juramenti præstandi à Clero Galli-
cano, præscriptum ad instantiam
Regis Christianissimi ab ALEXAN-
DRO VII. 15. Kal. Martii 1664.

EGO N. Constitutioni Apostolicæ INNOCEN-
TH X. datæ die 31. Maii 1653. & Constitutioni
ALEXANDRI VII. datæ 16. Octob. 1656. Summorum
Pontificum me subjicio: & quinque Propositiones ex
Cornelii Jansenii Libro, cui nomen *Augustinus* excerptas,
& in sensu ab eodem auctore intento, prout illas per di-
ctas Constitutiones Sedes Apostolica damnavit, sincero
animo rejicio, ac damno; & ita juro. Sic me Deus
adjuvet, & hæc Sancta Dei Evangelia.

Venera-

Venerabilibus Fratribus Henrico Arnaldo *Andegavensi*, Nicola●
Chovart *Bellovacensi*, Francisco Stephano *Apamiensi*, & Nico-
lao Pavillon *Aletensi Episcopis*

CLEMENS PAPA IX.

Venerabiles Fratres salutem &c.

Venerabilis Frater Archiepiscopus Thebarū Nuntius isthic
noster, misit ad nos elapsis diebus Fraternitatum vestra-
rum epistolā, in qua cum ingenti obsequii nobis, & huic
Sanctæ Sedi per vos debiti testatione significabatis, vos juxta
præscriptum litterarum Apostolicarum à felicis record: prædeces-
soribus nostris *Innocentio X. & Alexandro VII.* emanatarum,
sincerè subscripsisse & subscribi fecisse Formulario in ejuldem *Alex-
andri VII.* litteris edito. Et si autem quædam de hac re secus
circumlatæ, occasionem nobis præbuerant in tam gravi negotio
severius procedendi: nam dictorum Prædecessorum nostrorum
Constitutionibus firmissimè inhærentes, nullam circa illud ex-
ceptionem aut restrictionem admissuri unquam fuissetmus; in præ-
sens tamen, cum nova & gravia isthinc acceperimus documenta
veræ & totalis Obedientiæ vestræ, qua & Formulario sincerè sub-
scripsistis, & damnatis absque ulla exceptione aut restrictione
quinque Propositionibus in omnibus sensibus in quibus à Sede
Apostolica damnatæ fuerunt, alieni prorsus estis à renovandis in
hac re erroribus illis qui ab eadem damnati sunt, tribuere vobis
voluimus hoc paternæ benevolentiae nostræ argumentum; fidentes
planè divinæ gratiæ, ac virtuti & pietati vestræ, quod omni co-
natu facturi sitis in posterum, ut sinceræ obedienciæ ac summissio-
nis à vobis in hoc actu nobis præstittæ, plenitudo semper magis
appareat, doctrinam ac probitatem vestram in id potissimum adhi-
bentes, ut unā cum obsequio Nobis & huic Sanctæ Sedi per vos
debito Catholicam veritatem firmiter tueamini Zelo, curæque
Pontificis sedulò cooperantes, in extirpando ab Ecclesia Dei no-
vitates omnes ac perturbationes fidelium animarum, Vobis Vene-

rabiles Fratres Apostolicam benedictionem peramanter imper-
timur. Datum Romæ apud S. Mariam Majorem sub annulo
Piscatoris die 19. Januarii 1669, Pontificatus nostri anno II.

*Venerabilibus Fratribus Archiepiscopo Senonensi, & Episcopis Cata-
lawnensi, & Laudanensi*

CLEMENS PAPA IX.

Venerabiles Fratres Salutem &c.

Non sine lætitiæ sensu pervidimus etiam ex litteris Frater-
nitatum vestrarum id quod à vobis prius ample significa-
tum ac deinde iteratis ac gravibus documentis confirma-
tum fuit de perfecta ac integra obedientia Nobis & Apostolicæ
Sedi præstita per Episcopos Andegavensem, Bellovacensem, Apa-
mientem, & Aletensem subscriptione formularii sincero animo &
juxta præscriptum litterarum Apostolicarum ab eis facta; Utque
Charitatis Apostolicæ fervore succensi potius erga Obedientes
clementia, quam justitia in contumaces uti gaudemus, volumus
iis paternæ benevolentiz nostræ argumenta præbere, Quæ pro-
fectò speciali mentis affectu cumulata vobis Venerabiles Fratres
benevolentissimè tribuimus: sperantes utique fore, ut doctrina
& probitas vestra quæ nunc optimè merita est de Ecclesia Uni-
versa cooperando huic debitæ submissioni ab illis Vicario in Ter-
ris JESU CHRISTI ac ejusdem visibili Capiti redditæ, cum plena
& sincera executione Constitutionum Apostolicarum, etiam
imposterum eundem prompti studii zelum adhibitura usque sit,
in ejiciendo quidquid quavis ratione conferat ad extirpandas ab
agro Dominico zizantias omnium novitatum, veritati Catholicæ
& perfectæ fidelium unioni contrariarum. Tales animi verè pii
ac religiosi in vobis laudes, ut perpetuæ ac in dies etiam clariores
eniteant ex animo precamur, Fraternitatibus vestris, Apostoli-
cam benedictionem impertientes. Datum Romæ apud S. Ma-
riam Majorem sub annulo Piscatoris die 19. Jan. 1669. Pontifica-
tus nostri anno II.

ARREST
DU CONSEIL D'ESTAT
DU ROY

Pour la Pacification des Troubles causez dans l'Eglise
au sujet du Livre de

JANSENIUS.

Jouste la Copie à Paris par les Imprimeurs & Libraires
ordinaires du Roy. M. DC. LXVIII.

EXTRAICT DES REGISTRES
DU CONSEIL D'ESTAT.

LE Roy ayant esté informé par le Bref que nostre S. Pere le Pape a écrit à Sa Majesté, du 28. du mois de Septemb dernier, & par la vive voix du Sieur Archevesque de Tbebes, son Nonce ordinaire auprès d'Elle; Que Sa Sainteté est demeurée pleinement satisfaite de l'obeïssance que les Sieurs Evêques d'Alet, de Pamiers, d'Angiers & de Beauvais ont rendue aux Constitutions des Papes Innocent X. & Alexandre VII. dès le 31. du mois de May 1653. & 16. d'Octobre 1656. tant par la signature sincere qu'eux-mesmes ont fait, & qu'ils ont ordonné dans la convocation de leurs Synodes à tous les Ecclesiastiques de leurs Diocèzes, du Formulaire de Foy, inseré dans la Constitution du mesme Pape Alexandre VII. du 15. Fevrier 1665. que par les Lettres que lesdits sieurs Evêques ont écrites, au mesme mois de Septembre dernier, à Sa Sainteté, pour l'asseurer de leur soumission ausdites Constitutions, & qui ont porté Sa Sainteté à vouloir bien oublier tout ce qui s'est passé jusques icy pendant les dernieres contestations: Comme aussi ledit Sieur Nonce ayant témoigné à Sa Majesté que nostre dit S. Pere desiroit instamment de sa pieté & de son zele accoustumé pour le bien de la Religion, la Paix de l'Eglise, & le maintien de l'union entre tous les Fideles, que Sa dite Majesté eust agreable d'employer fortement son autorité Royale, pour empêcher que ces mesmes contestations qui ont agité l'Eglise de France, depuis quel-

ques années, à l'occasion de la condamnation du Livre de Janſenius, intitulé Auguſtinus, ne puiſſent ſe renouveler en quelque maniere que ce ſoit: Sa Majeſté voulant y pourvoir, & ſeconder les ſaintes & pieuſes intentions de noſtre Saint Pere, & donner moyen à l'Egliſe de profiter avantageuſement de la Paix que ſa Sainteté a eu la bonté d'y reſtablir: **LE ROY ESTANT EN SON CONSEIL** a ordonné & ordonne que leſdites Bulles & Conſtitutions cy-deſſus énoncées, continueront d'eſtre inviolablement obſervées & executées en toute l'eſtenduë de ſon Royaume, Pays, Terres, & Seigneuries de ſon obéiſſance: Exhorte, & neantmoins enjoint à tous les Archeveſques & Eveſques de ſondit Royaume d'y veiller, & tenir ſoigneuſement la main. Ordonne que les contraventions & inexécutions faites auſdites Conſtitutions & à la Declaration de ſa Majeſté du mois d'Avril 1665. demeureront comme non advenuës, ſans qu'elles puiſſent eſtre jamais renouvelées par qui que ce ſoit, & ſous quelque pretexte que ce puiſſe eſtre, A fait & fait inhibitions & deſſences à tous ſes ſujets de ſ'attaquer ny provoquer les uns les autres, ſous couleur de ce qui ſ'eſt paſſé; uſant des termes d'Heretiques, Janſeniſtes, & Semipelagiens, ou de quelqu'autre nom du party; ny meſme d'écrire & publier des Libelles ſur leſdites matieres conteſtées, ny de bleſſer par des termes injurieux la reputation d'aucun de ceux qui auront ſouſcrit ledit Formulaire de Foy par les ordres de leurs Archeveſques & Eveſques, à peine de punition exemplaire. Et ſera le preſent Arreſt executé, non obſtant oppoſitions ou appellations quelconques, dont ſi aucunes interviennent, ſa Majeſté ſ'eſt reſervé la connoiſſance & a ſon Conſeil, & icelle interdite à toutes ſes Cours & Juges. Fait au Conſeil d'Eſtat du Roy, ſa Majeſté y eſtant, tenu à S. Germain en Laye, le 23. d'Octobre 1668.

Signé,

DE LYONNE,

LEu, publié à ſon de Trompe & cry public, en tous les Carrefours de la Ville & Faux-bourgs de Paris, par moy Charles Cantò, Crieur Juré du Roy, accompagné d'Eſtienne Chappé, Hieroſme Tronſſon, & Eſtienne du Bos, Jurez Trompettes, le 25. d'Octobre 1668.

Signé, CANTO.

ALEXANDER

EPISCOPUS.

SERVUS SERVORUM DEI.

Ad Perpetuam rei memoriam.

REGIMINIS Apostolici divinâ providentiâ nobis quamvis immeritis commissi ratio postulat, ut ad ea potissimum, quæ Catholicæ religionis integritati, & propagationi, animarumque salutis, & Fidei tranquillitati consulere apta, & idonea esse iudicantur, animum & curam omnem, quantum licet, in Domino applicemus. Quamobrem Cornelii Iansenii Hæresim, in Galliis præsertim serpentē, ab Innocentio X. felicitis recordationis Prædecessore nostro ferè oppressam, ad instar colubri tortuosi, cujus caput attritum est, in varios gyros, & cavillationum deflexus euntem, singulari Constitutione ad hunc finem editâ, altero assumptionis nostræ anno extinguere conati fuimus. Sed ut multiplices hostis hominum generis artes adhiber, nondum plenè consequi potuimus ut omnes errantes in viam salutis redirent; qui tamen unicus erat votorum & curarum nostrarum scopus, quibus operam & industriam suam egregio sanè studio Venerabiles Fratres nostri Archiepiscopi & Episcopi Regni Galliæ, earundem Constitutionum Apostolicarum executioni præcipuè intenti contulerunt; & Carissimus in Christo Filius noster Rex Christianissimus, singulari pietate auxiliarem dexteram strenue ac constantissimo animo porrexit. Cùm autem præfatus Rex Christianissimus eodem religionis zelo ductus, per suum in Urbe Oratorem nobis significari exponēque curaverit, nullum aliud opportunius remedium pestiferæ hujus contagionis reliquiis extirpandis adhiberi posse, quàm si omnes certam Formulam subscriberent nostra auctoritate firmatam, in qua quinque Propositiones ex Cornelii Iansenii libro, cui titulus, *Augustinus*, excerptas sincerè dampnarent, ac proinde illam à Nobis quantocius expediri, ad quælibet effugia præcludenda, omnèsque removendos obtentus flagitaverit: Nos tam piis dicti Regis Christianissimi votis benignè annuendum esse ducentes, Formulam infra scriptam ab omnibus Ecclesiasticis, etiam venerabilibus Fratribus nostris Archiepiscopis, & Episcopis, nec non aliis quibuscumque Ecclesiastici Ordinis, tam Regularibus, quàm Secularibus, etiam Monialibus, Doctoribus, & Licentiatis, aliisque Collegiorum Rectoribus atque Magistris subscribi districtè mandamus, idque intratres menses à die Publicationis seu Notificationis Præsentium; alias contra eos, qui intra terminum præfatum non paruerint, irremissibiliter procedi volumus juxta Canonicas Constitutiones & Consiliorum Decreta.

Formula à supradictis subscribenda.

E Go N. Constitutioni Apostolica Innocentii X. data die 31 Maij 1653. & Constitutioni Alexandri VII. data 16. Octobris 1656. Summorum Pontificum, me sub-
jicio, & quinque Propositiones ex Cornelii Iansenii libro, cui nomen Augustinus, ex-
cerptas, & in sensu ab eodem Autore intento, prout, illas per dictas Constitutiones Sedes
Apostolica damnauit, sincero animo rejicio ac damno, & ita juro. Sic me Deus adjuuet,
& hæc sancta Dei Evangelia.

Decernentes insuper præsentēs Litteras semper & perpetuò validas &
efficaces existere, & fore, suosque plenos & integros effectus sortiri, &
obtinere, sicque per quoscumque Iudices ordinarios & delegatos, ubique
judicari, & definiri debere, sublata eis & eorum cuiuslibet quavis aliter judi-
candi & interpretandi facultate, & auctoritate, ac irritum & inane esse, si
secus super his à quocunque quavis auctoritate scienter vel ignoranter con-
tingerit attentari. Quocirca Venerabilibus Fratribus Archiepiscopis & Epif-
copis, aliisque locorum ordinariis committimus, & mandamus, ut singuli
in suis Diocæsis, ac locis suæ Jurisdictioni subiectis, præsentēs Litteras,
& in eis contenta quæcunque exequantur, & exequi ac observari ab om-
nibus curent, & inobedientes quoscunque per Sententias, Censuras, & pœ-
nas, aliæque juri & facti remedia, appellatione postpositâ, invocato etiam
ad hoc, si opus fuerit, brachii secularis auxilio, omnino compellant. Volu-
mus autem, ut præsentium transumptis, etiam impressis, manu Notarii pu-
blici subscriptis, & sigillo alicujus personæ in dignitate Ecclesiasticâ consti-
tutæ munitis, eadem fides prorsus adhibeatur, quæ ipsi Originalibus Lit-
teris adhiberetur, si essent exhibitæ vel ostensæ. Nulli ergo omnino homi-
num liceat hanc nostram Constitutionem & Ordinationem infringere vel
ei ausu temerario contraire. Si quis autem hoc attentare præsumpserit, indig-
nationem Omnipotentis Dei, ac BB, Petri & Pauli Apostolorum ejus, se
noverit incursum. Datum Romæ apud S. Mariam Majorem, anno Incar-
nationis Dominicæ 1664. 15. Kal. Martii Pontificatus nostri anno decimo.







